

# *Баталы сөз, балаға азық*

*«Нұршуақ» ересек тобының тәрбиеленушісі  
Мұратова Жаннұр анасы*

*Елтаева Жанар*

*Бата беру*



2022ЖЫЛ

### **Жас нәрестенің шілдеханасына да берілетін бата:**

Нәрестенің бауы берік болсын,  
Ата - анасына серік болсын!  
Азамат болып ер жетсін,  
Ақсақал болып төрлетсін,  
Азамат болсын көрікті,  
Ғұмыры ұзын берікті,  
Қолқанаты көп болып,  
Артынан ерте берсін серікті,  
Мінезі болсын салмақты,  
Өнері болсын жан - жақты,  
Осы айтқанның бәрі келсін,  
Алла берсін зор бақты,  
Аллаһу әкбар!...



**Тұсау кесерде айтылатын бата:**

Жас ұрпақ өмірлі болсын,  
Тұрмысы көңілді болсын.  
Ата - анаға мейірлі болсын,  
Ағайын - туысқа пейілді болсын.  
Өнеге - білімге зейінді болсын,  
Он саусағы майысқан шебер болсын.  
Ел қорғайтын батыр болсын,  
Шындықты айтар ыркы болсын.  
Халқым деген жүрегі болсын,  
Жұртының қамқор тірегі болсын.  
Абыройы өрлесін,  
Жаманшылық көрмесін!  
Әумин!



**Ұл балаға берілетін бата:**

Жорытқанда, балам, жолың болсын,  
Қалтаң ділдаға толсын!  
Бір толмасын, жылда толсын,  
Өмір жасың ұзақ болсын!  
Қатарыңнан озар, ерен бол,  
Сынай қалса, құлақ сал,  
Мақтай қалса – керең бол!  
Әумин!



**Қыз балаға берілетін бата:**

Талдай бой берсін,  
Сұңғыла ой берсін.  
Жаздай жамал берсін,  
Қардай жанар берсін!  
Анаға шуақ болсын,  
Ағаға қуат болсын,  
Нәзік жаны болсын,



Басына өнердің бағы қонсын,  
Әумин!

**Наурызда берілетін бата:**

Ұлыс оң болсын,  
Ақ мол болсын  
Қайда барсаң жолың болсын!  
Жасың құтты болсын!  
Өмір, жасың ұзақ болсын!  
Төрт түлік ақты болсын!  
Ұлыс береке берсін!  
Пәле - жала жерге енсін!  
Тәңір сені қолдасын,  
Уайым - қайғы болмасын.  
Қабыл болсын оразаң,  
Әулетінді оңдасын!  
Әумин!



**Дастарханға берілетін бата:**

Түндерің тыныш болсын,  
Үйлеріңе ырыс толсын!  
Келіндерің есті болсын,  
Ұлдарың сесті болсын.  
Балаларың қуаныш әкелсін,  
Немерелерің жұбаныш әкелсін.  
Орындарың төр болсын,  
Дастархандарың мол болсын.  
Қатарларың көп болсын,  
Уайым - қайғыларың жоқ болсын.  
Жастардың қазасын көрмендер,  
Зұлымдардың жаласын көрмендер!  
Еліңде бірлік болсын,  
Жарасты тірлік болсын!  
Әумин!





Дастарханың тоқ болсын,

Уайым-қайғы жоқ болсын!

Жарды болсаң жасыма,

Бай болсаң, тасыма!

Бақ-дәулет берсін басыңа,

Ғұмыр берсін жасыңа.

Бәле-жала, жын-шайтан,

Жоламасын қасыңа!

Иманның байлығын берсін,

Құт-берекенің бәрі келсін!

Бірлік берсін басыңа,

Береке берсін асыңа.

Әумин

Құдай жарылқасын,

Бақ қарасын,

Қыдыр дарысын!

Айдан аман,

жылдан есен қылып,

Үйдегі, түздегі

Мал-басты аман қылсын!


Әумин

Дастарханың майлы,

Көңілің жайлы болсын.

Өміріңе не тілесен,

Тілегің қабыл болсын.




Ай МҮЙІЗДІ,  
Аша тұяқтым-ай.  
Жұпар иісті,  
Бауырсақ құлақтым-ай.  
Сенде жазық жоқ,  
Бізде азық жоқ,  
Ақбата, ақ тілекті қабыл ет!  
Той-думаныңыз құтты болсын,  
Бақыты зор отау болсын.  
Іші жанға толсын,  
Сырты малға толсын!  
Бақытың дәулетіңмен таса берсін,  
Дұшпаның қырдан үркіп қаша берсін.  
Бата сол бізден сізге, рахмет жауып,  
Құдайым маңдайыңды аща берсін!

Той тойға ұlassын,  
Бақыт балаға ұlassын.  
Өрісінді өрт шалмасын,  
Жүрегіңді дерт шалмасын!

Ұлың ұядан ұшсын,  
Елін ұмытпасын.  
Қызың қияға ұшсын,  
Жерін ұмытпасын!

Қайғыға болаттай берік,  
Жердей төзімді бол.  
Шаңырағына шаң түспесін,  
Көңіліңе кірбің түспесін.





Аспандарың ашық,  
Жұлдыздарың жарық болсын,  
Абыройларың асқар таудай болсын!  
Бізге берген етіңіз,  
Ниетіңізге жетіңіз.  
Қыл көпірден өткенде,  
Құламай тіке өтіңіз!

Шадияр болсын достасың,  
Мұхаммед болсын- қостасың.  
Қызыр болсын жолдасың,  
Лұқпан болсын құрдасың.  
Сүрініп кеткен жерінде,  
Жеті әулие жетелеп,  
Кереметімен қолдасын!  
Құдай жарылқасын,  
Бақ қарасын,  
Қыдыр дарысын.  
Айдан аман,  
Жылдан есен қылып,  
Үйде, түздегі  
Мал-басты аман қылсын!

Әумин десең бізге,  
Бата берелік сізге.  
Жасың жетсін жүзге,  
Мал мен басты,  
Иман мен жасты,  
Қабат бермейді екен деп,



!

Адалдық берсін асыңа,  
Амандық берсін басыңа.  
Топқа ТҮСП, тойлы бол,  
Некер ертіп қасыңа.  
Қозыларың жамырап  
Қотаныңа сыймасын.  
Құлындарың құлдырап,  
Құла түзге сыймасын.  
Келелі түйең қаптаған,  
Қаратауға сыймасын.  
Ақтылы қойың адалдан,  
Алатауға сыймасын.  
Кекалалы көп жылқың,  
Кекшетауға сыймасын.  
Ұл мен қызың тең есіп,  
Ұлытауға сыймасын!  
Бар екен деп тасыма,  
Жоқ екен деп жасыма,  
Еңбек етсең ерінбей,  
Дәулет келер қасыңа.  
Көре алмаған дұшпанның,  
  
Кемеңгердің алғыр ойын берсін,  
Екі дүниенің абыройын берсін!  
  
Талаптымен тау астырсын,  
Талантымен таластырсын.  
Жамандықтан адастырсын,



Жақсылықпен жанастырсын!

Білімнің молая берсін,

Еңбегің зорая берсін.

Мақсаттарың айқын болсын,

Өмірлерің жарқын болсын.

Еңбектерің көшелі болсын!

Білімнің тереңдесін,

Өнерің кемелденсін,

Жұлдызың жайнасыншы,

Табаның таймасыншы,

Дос-жарың безінбесін.

Жаңа Жылың құтты болсын,

Денсаулығың мықты болсын.

Жүрегіңіз жалын болсын,

Тілегіміз қабыл болсын!

Құдай берсін, кем қылмасын,

Дастарханың мол болсын,

Абыройың зор болсын.

Отбасының байлығын берсін,

Деніміздің саулығын берсін.

Көңіліміз тоқ болсын,

Уайым-қайғы жоқ болсын.

Отырғандарың үлкен тақ болсын,


Осы үйге тек бақ қонсын!

Сұрасаң бата берейін,

Ықыласпен қол жайсаң,


Үстем болсын мерейің.

Басыңа бақ орнасын,



Қызыр болсын жолдасың,  
Дастарханың мол болсын,  
Абыройың зор болсын.  
Уа, Жаратқан, жарылқа!  
Мезгілсіз келер өлімнен сақта,  
Кездейсоқ келген келіннен сақта.  
Дауылдың кәрінен сақта,  
Жыланның зәрінен сақта,  
Аяқ астынан келетін  
Бәле-жаланың бәрінен сақта!

Пейіліңе қонақжай,  
Бата берем, қолың жай:  
Ақ жарылған жүрегің,  
Қабыл болсын тілегің.  
Бізге сойдың қой,  
Үйіңнен кетпесін той.  
Қызығына қанып,  
Ішпей-жемей той.  
Бізге астың бас,  
Берсін саған ұзақ жас.  
Ауыздықтап асауды,  
Асудан асуға ас!  
Сыйлап бердің етіңді,  
Жарылқасын бетіңді.  
Енді әкелдің сорпаңды,  
Орындалсын қолқаңды.  
Рахмет дәміңе,  
Ризалық берсін бәріңе.  
Аман болып басыңыз,  
Жүзге жетсін жасыңыз!



Маған жаптың шапан,  
Көңілде болмасын қапаң.  
Маған мінгіздің ат,  
Қыз ұзатып, қызығына бат!  
Маған атадың жол,  
Ұл өсіріп мәре-сәре бол!  
Маған бердің ет,  
Келін түсіріп, тілегіңе жет!  
Маған бердің сауға,  
Басың түспесін дауға!  
Алдыма салдың мал,  
Алладан рахмет ал!

Асың, асың, асыңа,  
Береке берсін басыңа!  
Бөденедей жорғалап,  
Қырғауылдай қорғалап,  
Қыдыр келсін қасыңа!  
Сенен байлық өтпесін,  
Тәңірі берген берекең,  
Тепкілесе кетпе